

保嬰撮要卷十一 續集

薛氏醫按

吳郡薛 已著

江都吳中珩校

疔瘡

諸瘡惟疔毒爲甚而殺人亦速古云疔有十三種種各不同內三十六疔滿其數卽不可救亦有不滿其數而灰者乃毒氣走散故也若痘毒染人發於頭面或遍身者又非此類在小兒多因乳母食有毒之物或兒卒中飲食之毒或感四時不正之氣皆能致之其瘡多生頭面四肢形色不一或如小瘡或如水泡

或痛或痒或麻木不仁外症寒熱嘔吐惡心肢體拘
急大要當分邪之在表在裡急用隔蒜灸法并解毒
之劑若不省人事牙關緊閉急以奪命丹爲未熟酒
調灌如食生冷之物或用涼水淋洗則輕者難愈重
者不治其生於兩足者多有紅絲至臍生於兩手者
多有紅絲至心生於唇口之內者多有紅絲入喉急
用針挑出惡血以泄其毒可保無虞其在偏僻之處
藥難導達者惟灸法有回生之功若投峻厲之劑是
促其危矣小兒肌肉脆嫩且不能言痛否灸法須將
蒜切薄片著肉一面略剝少空灼艾燃蒜先置大人

臂上試其冷熱得宐然後移著瘡上又別灼艾如前
法試之以待相易勿令間歇

毗陵金文治子將週歲唇上患疔余用活命飲母子
並服更欲隔蒜灸彼不從見腫勢益盛勉灸數壯余
誠以多灸爲佳又爲人所阻而止頭面益腫乃復灸
五十餘壯腫勢漸消時與乳母服活命飲瘡出黃水
翌日潰而得生

一小兒三歲手患紫疔二顆寒熱作痛用仙方活命
飲半盃而愈數日後手臂俱腫乃用隔蒜灸服前藥
而愈

一小兒足患之嘔吐腹脹二日不食欲用護心散診
氣口脉大審其大便所出皆酸穢余曰此飲食停滯
耳非瘡毒內攻也若用護心等劑則誤矣急投保和
丸二服及隔蒜灸而愈其時同患是症用護心散毒
之劑者俱致不救

一小兒面上患之寒熱癩搔此熱極而肝火動也用
荆防敗毒散及隔蒜灸搔止熱退更服異功散加升
麻柴胡桔梗而

一小兒患於胸外敷寒涼內服敗毒更欲嘔不食面
色痿黃右關脉浮數按之微細此脾胃復傷所致也

急用隔蒜灸服異功散倍加白朮半夏翌日又服活命飲而愈

一小兒患前症服收毒之藥作嘔不食余謂胃氣復傷不信另服護心散嘔甚神思沉困手足並冷脉微細如無急用五味異功散加乾薑二服嘔止食進去薑又四服而愈夫護心散皆寒涼之藥乃宋人爲服丹砂蓄熱發疽者而設胃氣有傷卽當溫補多因此藥停於胸膈惟覺陰冷作嘔沉困者世人皆謂毒氣攻心而遂槩用之其鮮有不敗事者矣

一小兒手背患此敷服皆寒涼之劑腹脹痰喘瀉糞

穢臭余謂脾胃復傷而飲食停滯也不信仍服治瘡之藥而歿

一小兒臂患之色赤腫起恪用化毒丹鐵箍散腫處頓平肉色白陷再日色黯痰喘氣促余謂瘡毒反入於內也辭不治果歿

飛龍奪命丹治瘡毒發背腦疽等症

真蟾酥 乾者酒化

輕粉

枯白礬

寒水石

銅碌

乳香

沒藥

麝香

朱砂

各六錢

蝸牛 四十箇另研如無亦可

右各爲末入蟾酥蝸牛或加酒少許糊丸菉豆

每服一二丸溫酒或葱湯下重者外用隔蒜灸法

荊防敗毒散卽人參敗毒散加荊芥防風 方見流江

仙方活命飲 方見熱毒瘡瘍

保和丸 方見發熱不止

五味異功散 方見敗毒之藥

時毒 二頭面赤腫

小兒時毒因感四時不正之氣致鼻面耳項或咽喉赤腫寒熱頭痛甚者恍惚不寧咽喉閉塞狀如傷寒五七日間亦能殺人脉浮數者邪在表脉沉瀼者邪

在裡在表用葛根牛蒡子湯在裏用梔子仁湯表裡俱病者犀角升麻湯甚則宜砭及用通氣散宜泄其毒旬日自消若不消而欲作膿者用托裏消毒散欲收斂者用托裡散若咽腫不能言頭腫不能食者必灰

一 小兒患此三日二便調和用葛根牛蒡子湯漫腫悉退惟頰間赤腫欲作膿用活命飲二服外用代針膏而膿出再用托裏消毒散而愈

一 小兒腫赤焮痛此欲作膿也用托裏消毒散二劑膿成針之腫痛頓減又二劑漸愈却以柴胡梔子散

加白芷升麻與母服之而愈

一小兒腫爛作痛藥不能下咽先用通氣散連作噎却用犀角升麻湯乳食稍進腫痛漸消仍服數劑而膿血漸少母服加味道遙散而愈

一小兒患之咽喉作痛二便自調用葛根牛蒡子湯三劑甘桔湯四劑腫痛漸愈診乳母左關脉弦數用加味道遙散母子並服而消

一小兒患之赤腫作渴外敷內服皆寒涼之藥余欲洗去敷藥急用發散表邪開通腠理之劑不信仍用前藥遂至不救

通氣散治時毒焮痛咽喉不利取嚏以泄其毒

玄胡索

猪牙皂角

川芎各一錢

藜蘆五分

羊躑躅花三分

右為細末用紙撚蘸少許絀鼻內取嚏為効

甘桔湯治肺經壅熱胸隔不利咽喉腫痛痰涎壅盛

方見時毒

犀角升麻湯治風熱口唇頰車連牙腫痛

犀角鎊二錢

升麻

防風

羌活

川芎

白芷各五分

黃芩

甘草各一錢

白附子四分

右每服三五錢

梔子仁湯治時毒腫痛大便秘結

鬱金

枳殼麥炒

升麻

山梔仁

牛蒡子研碎炒

大黃等分炒

右為細末每服二三錢蜜水調服

葛根牛蒡子湯治時毒腫痛消毒解熱

葛根

管仲

甘草

江西豆豉

牛蒡子半生半炒研碎各等分

右每服三五錢水煎

柴胡梔子散方見盼瘡

托裡消毒散

代針膏

托裡散

仙方活命飲

四方並見熱毒瘡瘍

加味逍遙散

方見發熱不止

流注

三

小兒流注乃氣流而注血滯而凝元氣不足之症也或因閃跌墮傷或因肝火氣逆或因六淫內侵或因脾虛食積或因稟賦所致結於四肢節體患於胸腹腰髖或結塊或漫腫或作痛悉用葱熨之法溷固元

氣爲主閃跌者和血定痛丸肝火者九味蘆薈丸食積者四味肥兒丸藥能對症未成自消已成自潰若膿成不潰者元氣虛也先補而針之庶使毒氣不致內攻氣血不致脫陷若膿出而反痛者氣血虛也用八珍湯作嘔少食者胃氣虛也用四君子湯欲嘔不食或腹作脹者脾氣虛也用六君子湯口噤搐搦者氣血虛極而變症也十全大補湯內熱晡熱陰血虛也四物參芪白朮表熱惡寒陽氣虛也十全大補湯熱來復去或晝見夜伏晝伏夜發者虛熱也當大補元氣若色赤腫起而膿稠者尚可治不赤硬而膿清

或脉洪大寒熱發渴及不受補者皆不可治

楊鴻臚子年十二左脇下患此服流氣飲十宣散之類元氣益虛年餘不斂左尺脉數而無力左關脉弦而短此肝經之症因稟腎水不足不能滋養肝木血燥火熾而然耳用六味地黃丸以滋腎水九味蘆薈丸以清肝火而愈

一小兒九歲患此久不收斂或咳嗽或寒熱皆服清氣化痰之藥前症益甚至夜作喘口開徹夜不寐手足竝冷藥餌到口卽嘔余謂悉因脾氣虛甚所致先以人參白朮各五錢炮薑五分以米湯煎之時灌數

匙次日能服一盃次日又服一劑諸症漸愈至十餘劑後朝用補中益氣湯夕用異功散而愈

李通府子十六歲腰患之三年不愈色黯下陷余曰此腎經症也宜用六味丸滋化源以生腎水更用如聖餅外散寒邪以接陽氣不信別用雜藥元氣益虛七惡蜂起始信余言仍用前藥而愈

陳州守子閃右臂腕腫痛用流氣等藥發熱惡寒飲食少思口舌乾燥腫痛愈熾形氣益疲余以助胃壯氣爲王佐以外治之法而愈

黃地宮子腿患之腫痛發熱以濕毒治之虛症悉至

余謂此元氣虛弱外邪乘之也用十全大補湯如聖餅而愈

一小兒臂肘腫硬用流氣次肉色不變飲食少思余曰此肝脾虛症也用六君桔梗薄桂茯苓半夏及如聖餅而消

一小兒腿腕間患此已半載腫硬色白形氣俱虛余无用五味異功散加當歸三十餘劑却佐以八珍湯二十餘劑更用葱熨法腫勢漸消中間一塊仍腫此欲作膿也當補其血氣遂用托裡散爲主異功散爲佐仍用葱熨法月許針出稠膿仍用前二藥及豆豉

餅三月餘而愈

一小兒腿患之腫硬色白惡寒懶食此脾胃陽氣虛而不能成膿也非敷貼敗毒所能療遂用托裡散及葱慰法月餘患處脹痛發熱膿成針之膿出而安仍用托裡散肢體漸健因飲食內傷泄瀉忽口噤目閉自汗手冷此脾胃虛寒之惡症也以異功散內用人參一兩乾薑一錢半灌之盡劑而甦又以托裡散內用人參五錢數劑始能動履却用托裡散大補湯葱慰法豆豉餅半載而愈

一小兒十五歲早喪天真日晡發熱遍身作痛或四

肢酸軟唾痰頭暈服祛濕化痰之藥腿之內外肉色
腫硬而不變因服攻毒之藥虛症蜂起按褚氏云男
子精未滿而御女以通其精五臟有不滿之處異日
有難狀之疾正合此論遂用補中益氣湯及地黃丸
半年而愈此等症候誤認爲實熱而用敗毒之藥者
必致不救

賈閣老子年十六患此王載矣脉洪大而數膿清熱
渴食少體倦夜間盜汗午前畏寒余曰此真氣不足
邪氣有餘之症治之無功矣彼懇求治午前勉用四
君膏歸炙草午後四君麥門五味逾月諸症漸減有

用滲利之劑保其必全者彼信服之形體骨立未幾而歿

一小兒右腿腕壅腫形體怯弱余欲以補氣血爲主佐以行散之劑彼不信反內服流氣飲外敷寒涼藥加發熱惡寒形體愈瘠始求治於余余曰惡寒發熱脉至洪大乃氣血虛敗之惡症也不可治矣後潰而不斂瀝盡氣血而亾

掌教顧東帆子十餘歲秋間腰腿隱隱牽痛面色青中兼黑余曰青是肝虛黑是腎虛當急調補脾腎否則春間必患流注矣不信另用行氣破血之藥至夏

腰臀間漫腫五寸許復來請治脉數而滑按之如無
此元氣虛極而膿內潰不能起也辭不治後果破
健脾滲濕飲治瘡瘍初起焮腫作痛或濕毒下注或
環跳穴痛

人參

白朮

蒼朮

防已

酒拌

黃柏

炒

川芎

陳皮

當歸

茯苓

各五分

木瓜

不犯
鐵器

柴胡稍

甘草

各二分

右薑水煎服如三五劑不退加桂少許酒煎亦可
小便澀加牛膝身痛加羌活

和血定痛丸

一名黑九子

治流注膝風或閃跌瘀血肢節

腫痛服之自消若潰而發熱與補藥兼服白效

百草霜

五兩

赤小豆

半斤

川烏

炮一兩
五錢

白薇

八兩

白芨

南星

炮各二兩

芍藥

當歸

牛膝

各五兩

骨碎補

四兩

右為末酒糊丸桐子大每服二三十丸白湯下

神效慈慰法治流注結核或骨癰鶴膝等症先用隔

蒜灸若餘腫尚存用此慰之以助氣行血散其壅

滯功效甚速又治跌撲損傷止痛散血消腫之良

法也其法用葱細切搗爛炒熱頻慰患處冷則易
之如鶴膝風兼服大防風湯而愈

隔蒜灸法治流注及癰疽鶴膝風等症每日灸二三

十壯痛者灸至不痛不痛者灸至痛其毒隨火而

散蓋火以暢達拔引鬱毒此從治之法有回生之

功其法用大蒜去皮切三文錢厚安患處用艾壯

於蒜上灸之三壯換蒜復灸未成卽消已成者亦

殺其毒如瘡大用蒜杵爛攤患處將艾鋪上燒之

蒜敗再易如不痛或作膿或不起發及瘡屬陰症

者尤當多灸凡瘡不痛不作膿不起發者皆氣血

虛也多主不治惟患在頭向者不宜多灸論中嬰
兒灸法見疔瘡

如聖餅治流注及一切瘡瘍不能消散或潰而不斂

乳香

沒藥

木香

血竭

當歸各等分

麝香減半

右為末用酒糊和餅二箇乘熱熨之毒瘡加蟾酥
六味丸一名地黃丸此壯水之劑也夫人之生以腎為主

凡病皆由腎虛而致其流注癰癤屬肝腎二經發
熱作渴小便淋秘痰氣壅盛嗽血吐血頭目眩運
小便便短少眼花耳聾咽喉燥痛口舌瘡裂齒不堅

固腰膝痿軟五臟虛損尤宜用之乃水泛爲痰之
聖藥血虛發熱之神劑也

方見發熱不止

當歸補血湯治流注及潰瘍肌熱面赤煩渴脉洪大
而虛重按全無此血虛症也誤服曰虎湯必成助

發熱不止

益氣養榮湯治流注氣血虛弱不消散或四肢頸項
患腫不問堅軟赤白或痛或不痛日晡發熱或潰
而不斂

方見鶴膝風

十全大補湯治諸瘡血氣虛弱不能消散潰腐收斂
或寒熱汗出口眼歪斜肌瘦少食或日晡發熱

汗盜汗或朝寒暮熱瘡口不斂等症 方見便癰

天蛇毒 四

手指頭生瘡俗名天蛇毒然五指各有經絡拇指屬
手太陰肺經食指屬手陽明大腸經中指屬手厥陰
心包絡經無名指屬手少陽二焦經小指屬手少陰
心經亦有患於足者足跌屬肝膽胃三經大指屬肝
肝二經次指屬膽經小指屬膀胱經各當隨經而治
其致患之由或因胃中積熱所發或因乳母膏粱厚
味所致或因濕熱下流或因風毒外中大率多由所
稟足三陰之經虛故邪得以入之也其初患腫痛者

先用仙方活命飲次用托裡消毒散元氣下陷重墜
作痛久而不潰者用補中益氣湯若服敗毒散及敷
寒涼之劑則瘡口變黑或努肉突出或指皆黑大抵
手足爲氣血難到之處手屬於胃足屬於脾不可損
其真氣丹溪以醫居僻位尚言氣血罕到况肢末乎
故寒涼克伐之藥所宜深戒者也

一小兒十四歲手大指患之色赤腫痛用奪命丹二
粒活命飲一劑將愈因飲酒沐浴而瘡復作發熱咳
嗽余謂此毒原屬肺經今肺爲濕熱所攻瘡毒乘勢
妄行故復作耳先用瀉白散二劑而痰嗽除又用托

裡消毒散而瘡愈

一小兒食指患之迸出血水瘡口凸腫上連手背久而不愈余曰此元氣虛弱風邪襲於患處血氣不能運及而然用托裡散及葱熨之法諸症悉退又用荳豉餅異功散加升麻柴胡而愈

一小兒患之作痛發熱內外皆用寒涼之藥手背出膿三月不愈面色痿黃此脾氣復傷也先用異功散加升麻柴胡桔梗漸愈又佐以托裡散豆豉餅而痊

一小兒十三歲素食膏粱足大消患之腫連脚面喜飲冷水右關脈洪大此脾氣復傷而積熱下注也先

用清胃散四劑次用活命飲二劑腫痛漸消又用托
裡消毒散數劑膿潰而愈

一小兒足大指漫腫上連跌陽色赤腫甚右關脉數
而有力此胃經濕熱下注也用活命飲一劑大指本
節後始發瘡頭痛亦稍止再劑而漫腫悉退又用消
毒散出膿托裡散收斂而愈

一小兒足次指患之色赤腫痛上連於腿外塗寒涼
之藥反致麻木重搯方知此氣血難到之所又因寒
涼遏絕而然急以活命飲加黃芪五錢煎服外以薑
葱湯洗去敷藥用隔蒜灸法半晌知痛其腫頃退再

用托裡散加入參三錢數劑膿潰而愈

一小兒足大指患之內服外敷皆寒藥也腋痛惡心手足竝冷此脾胃之氣復傷而作非瘡毒也先川異功散加柴胡升麻白芷及仙方活命飲各一劑諸症頓退又用托裡消毒散膿潰而愈

一小兒足大指患之變膿窠之狀良久乾硬痛甚小便頻數此稟父腎經虛熱所致用六味地黃丸而愈
一小兒足中指患之耳中腫痛小便頻數此稟父肝腎虛熱爲患用六味地黃丸爲主佐以柴胡梔子散而愈

一小兒不時生瘡脂在手足之表年餘不愈審其乳母善怒用加味道遙散母子服而愈

一小兒足大指患之腫痛難寐用活命飲及隔蒜灸其痛不止著肉艾灸數壯以止用活命飲及托裡消毒散而愈

一女子十五歲足拇指痒痛數敗毒之藥勢益甚而色黯余謂脾經鬱結所致彼人略不經意後朝寒暮熱飲食頓減患處微腫足脛漸細而歿

錢氏瀉白散

方見臂癰

奪命丹

方見疥瘡

消毒散 方見胎毒發丹

忤慰法

托裏散 二方見流注

仙方活命飲

托裡消毒散 二方見熱毒瘡瘍

東垣清胃散 方見腹癰

五味異功散 方見敗毒之藥

補中益氣湯 方見肌肉不生

天泡瘡 五

天泡瘡狀如水泡屬肺胃二經風熱若發熱炊痛邪

在表也用人參敗毒散發熱咳嗽邪在肺也用加味
瀉白散熱渴便秘邪在內也用加味清涼飲此肌膚
之症當去毒水以金黃散或黃柏蚯蚓敷之當歸膏
亦善既安不必服藥若因攻伐過度元氣虛而變生
別症者當參各門治之

一小兒患此焮赤惡寒發熱大小便赤澁此邪在表
裡之間遂外敷金黃散內服大連翹飲子諸症少愈
更加味解毒散而痊

一小兒患之焮痛發熱大小便如常此邪在表也挑
去毒水敷金黃散用荆防敗毒散治其表柴芍參苓

敬安其裏而愈

一 小兒患此服敗毒之劑喘嗽唇白此脾肺之氣復傷也先用補中益氣湯一劑諸症悉退後加桔梗白芷二劑而愈

一 小兒患此服敗毒散敷寒涼藥嘔吐泄瀉猶索敗毒散余佯諾之却以五味異功散加柴胡升麻而吐瀉愈又用柴芍參苓散而瘡痊

一 小兒患此服敗毒之藥腹痛泄瀉余意脾氣復傷宜用五味異功散不信仍服敗毒之藥後果不食作嘔流涎泄瀉後重余先用補中益氣湯次用五味異

功散而愈

一小兒患此服敗毒散作渴飲湯余與七味白朮散治之不信自服敗毒之藥前症益甚更加嘔吐不食來請治余曰嘔吐不食手足竝冷痰喘氣促唇色皎白始見虛寒卽當溫補反服攻伐元氣之藥虛而又虛今脾肺敗症已見莫能爲矣辭之果不治

之類

柴胡

芍藥

人參

白朮

茯苓

凍皮

當歸 各五分

牡丹皮

山梔 炒

甘草 各二分

右每服二錢水煎服

加味解毒散治天泡瘡發熱作痛即加味消毒散加

金銀花漏蘆

玄參

連翹

升麻

芍藥

當歸

羌活

生地黃

牛蒡子 炒各三錢

茯苓

甘草 各二錢

金銀花

漏蘆 各五錢

右每服一二錢水煎服或用蜜丸

金黃散治天泡瘡消毒止痛

滑石

甘草

右各另為末和勻傳患處如泡挑去水傳之加黃

栢尤好

補中益氣湯

方見肌肉不生

五味異功散

方見用敗毒之藥

加味瀉白散

即瀉白散加山梔杏仁

楊梅瘡

六

楊梅瘡乃火行時毒亦有傳染而患之或稟賦所得者受症在肝故多起於下部治失其宜多致蝕傷眼

目腐敗腎莖拳攣肢節初起之時上體多者先用荆
防敗毒散下體多者先用龍膽瀉肝湯大便秘者用
大連翹飲後用換肌消毒散若蝕傷眼目兼用九味
蘆薈丸六味地黃丸肢節拳攣兼用蠲痺解毒湯若
因脾胃虧損而不能愈者先用異功散後用換肌消
毒散若用輕粉之藥多致敗症也

一小兒周歲傳染此瘡誤薰銀硃之藥昏憤不乳遍
身無皮用菖荳黃栢遍摻薜上令兒睡臥更用金銀
花生甘草爲末白湯調服漸愈若瘡乾燥利用當歸
膏誤用輕粉者亦以前藥解之

一 小兒患此年餘不愈形體消瘦日晡尤甚朝用八
環湯夕用換肌散并太乙膏三月餘而愈

一 小兒原有肝疔後染前症膿水淋漓腹脹嘔吐小
腹重墜余欲用補中益氣湯升補中氣不信仍服消
毒之劑更喘嗽流涎余謂脾氣虛而肺氣弱也朝用
補中益氣湯夕用五味異功散元氣漸復乃佐以換
肌消毒散尋愈

一 小兒因母曾患此症生下卽有用換肌散母服五
十餘劑子用當歸膏調金黃散隨患處傳之尋愈
二 小兒十四歲患此用薰沐肢體面目悉皆浮腫數

日聞遍身皮膚皆潰如無皮狀膿水淋漓先用金銀花甘草煎湯與之恣飲又爲未擦遍身及鋪枕席令兒臥之半月許皮膚稍愈却佐以換肌散而愈又一小兒二歲用薰法吐痰喘躁不及治而灰

換肌消毒散一名卑治楊梅瘡不拘初患日人竝効

土茯苓即草

當歸

白芷

甘草

皂角刺

薏苡仁

白蘚皮

木瓜不犯

右水煎食前并空心服

又方治大人之劑如用前方未應或兒長大岁用

此方

土茯苓 五錢

當歸

白芷

皂角刺 炒

薏苡仁 各一錢

白鮮皮

木瓜 不犯鐵器

木通

金銀花 各上分

甘草

連翹

防風 各五分

茯苓 錢

黃芪 炒二錢

芍藥 炒一錢

川芎 八分

生地黄 八分

右作二三劑水煎出幼者作一劑煎分兩三次服

蠲痺解毒湯

薑黃

羌活

白鮮皮

赤芍藥

當歸各四

白朮五分

茯苓

白芷

皂角子炒各二分

右水煎服

九味蘆薈丸

方見喉痺

當歸膏

方見湯火瘡

太乙膏

方見跌撲外傷

金黃散

方見泡瘡

赤白遊風

七

赤白遊風屬風熱血熱蓋血得熱而遊走耳白屬氣分赤屬血分或因腠理不密風熱相搏怫鬱而成或

因乳母食膏粱厚味所致若風熱者用小柴胡湯加防風連翹血熱者用四物湯加柴胡山梔牡丹皮風熱相搏者用人參敗毒散內熱外寒者用加味羌活散胃氣虛弱者用補中益氣湯加羌活防風或消風散血虛者用加味逍遙散如未應用逍遙散六味丸若嬰兒患此當審其受症之因而調治其母

一小兒患此其色或赤或白或痛或痒詢之因母食膏粱厚味所致余用東垣清胃散治其母牛黃散治其兒而愈

一小兒患此因母鬱怒所致母用加味小柴胡湯及

加味逍遙散兒熱止又以加味歸脾湯而愈

一小兒患此嗜膏粱甜味齒齦浮腫漸至蝕爛先用
清胃散後以四味肥兒丸間服而愈

一小兒患此色赤作痒脉浮數此肺胃二經風熱也
用人參消風散而愈又因停食復發色赤作痛先用
保和丸後用異功散而消

一小兒患此作痒搔破膿水淋漓寒熱往來此肝經
血燥而生風先用加味逍遙散肝症頓退倦怠少食
用異功散三黃散而愈

一女子十五歲患此色赤作痒寒熱脇痛面青或赤

此肝火動而血熱也先用加味逍遙散加膽草四劑
諸症頓退但體倦少食惡寒欲嘔此脾爲肝木所侮
而肺氣虛也用五味異功散及加味逍遙散而愈

一女子患此寒熱作嘔先用加味小柴胡湯二劑而
安再用人參消風散而愈後因怒發熱經行如崩遍
身色赤四肢抽搐難以診脉視其面色如赭此肝心
二經木火相搏而血妄行耳先用柴胡梔子散再加
味逍遙散諸症頓退又用八珍湯而痊

一小兒因母感寒腹痛飲燒酒兒遍身皆赤遊走不
定昏憤發熱令乳母時飲冷米醋一二杯亦以二三

滴塗兒口內週目而痊

歸脾湯治小兒因乳母憂思傷脾血虛發熱驚悸前症

久不愈食少體倦或便血下血怔冲不寧驚悸少

寐或心脾作痛自汗盜汗等症 方赤遊風

人參消風散治赤白遊風或風熱隱疹搔痒或寒熱

作痛

人參 三錢

荆芥穗

甘草 炙

陳皮 各五錢

白僵蠶

茯苓

防風

芎藭

藿香

蟬蛻 各三錢

厚朴 二錢 薑製

羌活 二錢

右每服一二錢水煎

加味逍遙散 方見發熱不止

三黃散 方見黃水瘡

柴胡梔子散 方見脇癰

小柴胡湯 方見腋癰

加味小柴胡湯 方見熱毒癰瘰

牛黃解毒散 方見頭疔瘡

發癰入

紫古云癰疹之病焮腫於外者屬少陽相火也謂之癰小紅腐隱於皮膚之中者屬少陰君火也謂之疹

癰疹並出則小兒難禁然首尾俱不可下大抵安裏
之藥多發表之藥少小便秘則微疎之身溫者順身
涼者逆大忌外敷寒涼內用疎導無此二者可保無
虞

一小兒患癰發熱體倦少食此脾肺氣虛外邪相搏
也先用消風散二劑隨用補中益氣湯如茯苓芍藥
而愈

一小兒患癰作痛熱渴服發表之劑益甚形氣倦怠
脈浮而數此真氣復損而然耳遂用人參安胃散補
中益氣湯而愈

一小兒患癰發熱用犀角消毒散一劑吐瀉頓作余
曰此邪氣上下俱出矣勿藥自愈未幾果安

一小兒素面白患疹作痒鼻塞流涕咳嗽不止用敗
毒散膿水淋漓惡寒喘急朝寒暮熱余謂脾肺之氣
復傷耳用補中益氣湯稍愈佐以五味異功散而愈
一小兒患疹寒熱搔痒先用消風散治其兒次用加
味逍遙散治其母兩月而愈

一小兒患癰作渴發熱咳嗽此邪在表宜汗之先用
葛根橘皮湯一劑次用玄參橘皮湯而安癸丑歲患
此症者余先用葛根橘皮湯散之若邪去而熱未退

者加苓連熱已退者用玄參升麻湯無不速効

一小兒患癍色赤作痛先用升麻葛根湯而減次用

玄參升麻湯而安

一小兒因食膏粱醇酒遍身如癍癩先用消胃散母

子服之而愈

一小兒悞吞信石身赤如癍見傷發丹

一小兒因母飲燒酒身赤如癍見傷發丹

葛根橘皮湯治發癍煩悶嘔吐清汁兼治麻痘等症

葛根

陳皮

杏仁去皮

麻黃去節

知母炒

甘草炙

黃芩 各半兩

右每服二三錢水煎服

玄參升麻湯治癰疹已發米發或身如錦紋甚則煩

燥語言喉閉腫痛

玄參

升麻

甘草

各等分

右每服二三錢水煎服

化癰湯

人參

石膏

知母

甘草 各二錢

右每服二錢入糯米半合水煎六分米熟為度去

洋溫服

荆芥敗毒散

即人參敗毒散加荆芥防風

人參敗毒散治瘡瘍邪氣在表應發者若增寒壯熱

項強脊疼或惡咳嗽亦宜用之

人參

茯苓

川芎

羌活

獨活

前胡

柴胡

枳殼

桔梗

甘草

炒等分

右每服二三錢水煎

東垣人參安胃散治癰疹因服峻厲之劑脾胃虛熱

泄瀉嘔吐飲食少思等症 方見喉痺

犀角消毒散治癰疹丹毒發熱痛痒及瘡疹等症

牛蒡子

甘草

荆芥

防風 各五分

犀角 鎊二分

金銀花 三分

右水煎熟入犀角傾出服

補中益氣湯 方見肌肉不生

五味異功散 方見敗毒之藥

加味道遙散 方見發熱不止

黃水粘瘡九

小兒黃水粘瘡屬肝脾二經風熱積熱所致邪在表

而痒痛者輕則犀角消毒散重則連翹防風湯邪在
內而大便秘者輕則九味解毒散重則大連翹飲若
頭目不清憎寒壯熱作渴便秘者表裏俱有邪也加
味清涼飲若誤服尅伐之藥而致發熱惡寒者肺氣
傷也用四君桔梗柴胡發熱嘔吐胃氣傷也用異功
散發熱作瀉脾氣虛也用六君子湯並加柴胡升麻
餘當隨症裁之

一小兒患此膿水淋漓寒熱作痛服抱龍丸敗毒散
更加氣喘等症蓋氣喘發搐乃肝火乘脾咬牙流涎
乃脾氣虛寒遂朝用補中益氣湯夕用五味異功散

外敷立效散而愈

一小兒患此發熱驚悸倦怠面黃懶食流涎服清涼之藥更加吐瀉睡而露睛余謂心脾虛熱用六君乾薑一劑頓愈又用異功散立效散而愈

一小兒患此或痒或痛膿水瀝淋服表散之劑更惡寒發熱嘔吐不食手足竝冷此病氣實而元氣虛也先用異功散加桔梗藿香而嘔吐止又用異功散而寒熱除用人參消風散而瘡愈

一小兒所患同前服荆防敗毒散加喘嗽腹脹四肢發搐此脾肺氣虛而肝木乘之用異功散加柴胡升

麻桔梗一劑諸症頓退又服異功散一劑而愈
一小兒患此服抱龍丸之類汗出喘嗽此肺氣虛而
爲外邪所乘也用異功散加桔梗二劑又傷風發熱
咳嗽其瘡復甚用惺惺散一服外邪頓退又用異功
散而痊

毛通府子患此卵關脉青兩目時劄刑體困倦此土
虛木旺當用和肝補脾湯反服敗毒散前症益甚更
加吐瀉不食遍身發泡余用前湯刺泡出水用菴荳
甘草末頻鋪蓆上任兒睡臥後用神効當歸膏而愈
沈尚寶子患此咳嗽惡寒用大連翹飲腹脹少食此

愈
表症瀉裏致元氣復損非其治也用補中益氣湯而

一小兒患此作痒發熱膿水淋漓面青惡寒此肝火
血熱用加味逍遙散稍愈又用和肝補脾湯而痊

一女子十四歲遍身疙瘩搔破膿水淋漓發熱煩躁
日晡益甚此血氣虛而有熱也用加味逍遙散而愈
大連翹飲治風毒熱毒發熱作痛一便不利表裏俱

實

方見臂癰

柴胡梔子散治肝膽風熱生瘡作痛發熱或瘡破而
膿水淋漓或發寒熱晡熱卽柴胡梔子散

方見脇癰

犀角消毒散治熱毒積毒發于肌表而頭面生瘡一

痛或痒者 方見發病

九味解毒散治熱毒胎毒而發瘡瘍之類未潰作疔

者

黃連 炒三分

金銀花

連翹

芍藥 三分

山梔 四分

白芷 六分

當歸 八分

防風 三分

甘草 三分

右水煎母子並服

人參消風散 方見赤白遊風

加味清涼飲治熱毒積毒在內患瘡瘍大便不通而

欲痛作渴者

當歸

赤芍藥

甘草炙

大黃炒各三分

山梔炒三分

牛蒡子炒一分四分

右水煎服

荆芥敗毒散治風熱相搏邪氣在表患瘡瘍之類寒

熱作痛者方見清汗

補中益氣湯治瘡瘍之類過服敗毒之藥致中氣虛

弱發熱或寒者方見發熱不止

六君子湯治瘡瘍脾胃虛弱不能飲食更或嘔吐而

瘡不愈者方見內鈞

人參消風散治諸風上攻頭目皆眩項背拘急肢體
煩疼肌肉顫動耳若蟬鳴鼻塞多嚏皮膚頑麻癢
痒癩疹目澁昏困方見赤白遊風

連翹防風湯治小兒肝脾風熱時毒頭面生瘡

連翹研碎

防風

黃連

陳皮

芍藥

當歸

獨活

白蒺藜炒去刺

荆芥

茯苓

黃芩

甘草

牛蒡子

炒研等分

右每服二錢水煎服

惺惺散治風寒瘡疹痰嗽發熱

桔梗

細辛

人參

白朮

甘草

芫花根

白茯苓

右為末每服二錢入薄荷五葉水煎服

和肝補脾湯治風熱瘡疹脾土不及肝木太過

人參

陳皮

川芎各五分

白朮

茯苓

芍藥各七分

柴胡

甘草炙冬二分

山梔炒四分

右作二劑水煎服

益脾清肝湯治肝脾風熱瘡寒 體痛脾胃虛弱

人參

白朮

茯苓

甘草

川芎

當歸

黃芪

各三分

柴胡

牡丹皮

各二分

右水煎服

三黃散治風熱疔熱生瘡水浸淫膿流處便濕爛

松香

五倍子

黃連

黃丹

海螵蛸

各一錢

輕粉

雄黃

各口少許

右為末用瑩肌散煎洗滲之乾者油敷

立効散

定粉

松香

黃柏

黃連

枯礬

各一錢

黃芩

右為末川清燭油調搽

四君子湯

方見肢癱

異功散

方見炭毒之藥

加味逍遙散

方見發熱不止

頭面瘡

十

人身諸陽之氣會於首而聚於面其患瘡癩者因臟腑不和氣血凝滯於諸陽之經或稟賦腎陰虛肝火

或受母胎毒或乳母六淫七情或食膏粱醇酒或兒
食甘肥厚味所致其因不同當各辨其經絡審其所
因而治之若發於目銳眦耳前上頰抵鼻至目內眦
者皆屬小腸經發於顛及頭角下頰耳後腦左右者
皆屬膽經發於頰前鼻孔及人中左右者皆屬太陽
經發於鼻之挾孔下唇口反承漿頤後頰車耳前髮
際額顛者皆屬胃經發於目內眦上額尖至後腦項
者皆屬膀胱經既察其經卽當分治若稟腎火者用
六味地黃丸胎毒者犀角消毒丸食積疳者四味肥
兒丸乳母膏粱者東垣清胃散至於諸腑受病必兼

諸臟故患於額間屬心經發熱飲冷者爲實熱用導
赤散發熱飲湯者屬虛熱用養心湯左腮屬肝經或
頸項勁強者爲實熱用柴胡清肝散或咬牙頓悶者
虛熱用六味地黄丸右腮屬肺經喘嗽飲冷者爲實
熱瀉自散發熱咳嗽者爲火刑金用人參平肺散鼻
間屬胃經發熱飲冷大便黃硬者爲實熱用瀉黃散
發熱飲湯大便青白者爲虛熱用異攻散患於額及
耳輪者屬膀胱經腎無實症惟用地黄丸若瘡已潰
久而不愈則當審其臟氣之相勝病邪之傳變而以
調補脾胃爲主若因乳母遺熱爲患者當先治其母

則兒病自愈也

一小兒鬢患一瘡腫赤作痛余謂屬手足少陽經風熱用柴胡梔子散不應脗其母左寸關脉弦洪而數卽以前藥令母服之兒遂愈

一小兒十三歲右頰患腫作痛飲冷脉沉實重按則數此積熱在臟也當踈通其內不信乃泛服雜藥兼敷寒涼腫硬下頸內潰復來請治脉已無力矣先用托裡散二劑針之又二劑而膿始出惡寒少頃煩燥發熱作渴痰喘此潰後變症因氣血虛故也先用當歸補血湯二劑諸症頓止又用異功散加山梔胃氣

亦健未用托裡消毒散瘡斂而愈

一小兒右腮赤腫余謂胃經有熱先用瀉黃散二服
又用清胃散而愈後復患之敷石灰等藥致傷其血
瘡不能潰余先用活命飲次用托裡消毒散而愈

一小兒耳後結數核作痛左腮青赤此肝疳積熱所
致用四味肥兒丸柴胡清肝散及五味異功散加柴
胡升麻而消

一小兒耳赤腫痛寒熱往來此肝經熱毒也用加味
小柴胡湯寒熱悉退又用柴胡清肝散而赤腫頓消
一小兒頰間赤色作渴目睛白多面常生瘡睡而露

晴先君謂稟父陰虛用地黃丸補中益氣湯而愈後
出症亦無虞設不預爲調補腎氣則出痘之危其可
保耶

一小兒四歲大陽連眉不時作痒或生小瘡此屬
經風熱也先用地黃丸次用柴胡梔子散後專服地
黃丸而愈

一小兒面常生瘡左頰赤腫或睡中發搐審其母素
有鬱怒用加味道逍遙散加味歸脾湯母子俱服而愈
一小兒面自時或變赤生小瘡兩足發熱先君以爲
稟賦足三陰虛熱不信專服清涼之藥後出痘果黑

陷而歿

一小兒久患前症耳下結核余曰此肝脾疔毒也久而不愈則先用五味異功散加柴胡梔子散清其肝火後用四味肥兒丸治其疔而愈

一小兒患前症耳後結核大便酸臭飲食減少余謂此脾疔所致先用五味異功散為主異功散為佐而愈

一小兒患前症頭皮光急發熱作渴小便頻數余謂此腎肝之疔也用地黃丸為主朝用補中益氣湯夕用五味異功散而愈

一小兒患前症鼻準色黃左腮色青食少泄瀉服犀角丸形體瘦弱口渴飲湯余用補中益氣湯從其脾氣佐以四味肥兒丸消其腑毒而愈

一小兒患前症痛痒不一右腮鼻準皆赤屬胃經有熱審之果因母飲酒所致先用清胃散次用加味道遙散治其母熱兒敷大楓膏而愈

一小兒因母鬱怒患前症兼發搐疾鼻間左腮皆赤色先用加味小柴胡湯二劑次用加味歸脾湯四劑治其母熱兒亦少飲並愈

一小兒因母食厚味頭面患瘡右腮色赤久而不愈

用清胃散治其母以牛黃散治其子浹旬而愈

一小兒面上患瘡頭忽赤腫口噤不語此胃經熱熾

也用活命飲酒調二服稍緩又酒煎一服赤腫漸退

後用解毒散而瘡

一小兒面上患瘡色赤作痛發熱飲冷脾肺脉數而

有力用仙方活命飲二劑瘡口出水沿及遍身似大

麻風症仍用前飲及清熱消毒散而愈

表甥凌雲青年十五歲壬寅夏見其面赤唇燥形体

消瘦余曰子病將進矣癸卯冬復見之曰子病將深

矣至甲辰春足陽明經部分皆青色此木乘土位之

症也先以六君柴胡芍藥 山梔蕪荑炒黑黃連數劑
稍定又以四味肥兒丸六 味地黃丸及用參苓歸木
芍草梔柴肉桂三十餘劑 兼用加減八味丸而愈
一小兒先眉間作痒搔卽 成瘡延及頭面傳立効散
而愈後因乳母怒氣復痒 作炒不安此肝膽二經之
熱也兒用牛黃解毒丸母 用加味逍遙散而愈

一小兒先患眉煉延及遍 身如癩久而不愈手足並
熱面色常赤此稟母胃火 所致子服瀉黃散母服竹
葉石膏湯加味逍遙散子 又用牛黃散拔毒散母子
並愈

一小兒頭患瘡如癩或作痒結痂或膿水淋漓二年
矣作渴飲冷發熱面赤此稟心與小腸表裡俱有熱
也先用導赤散二服却用活命飲拔毒散漸愈子又
服牛黃散母服逍遙散而愈後因母食膏粱復發用
清胃散母子服之子又服活命飲而愈

一小兒面生瘡作渴飲湯服敗毒之藥致吐瀉不食
手足並冷余謂脾胃氣虛復傷而變症虛寒也先用
益黃散而諸症退用異功散而瘡症愈

錢氏瀉黃散治瘡瘍作渴飲冷臥不露睛手足並熱
屬胃經實熱宜用瀉黃散若作渴飲湯臥而露睛

手足並冷屬胃經虛熱宜用五味異功散若誤服
攻毒之劑吐瀉不食手足指冷脾腎虛寒也宜用
益黃散若病後津涸不足口乾作渴胃氣虛也宜
用七味白朮散

藿香葉

甘草

各七錢五分

山梔仁

一兩

石膏

煨五錢

防風

二兩

右用蜜酒微炒為末每服一二錢水煎

益黃散治瘡瘡屬脾胃虛寒吐瀉不止手足並冷者

陳皮

一兩

丁香

二錢

訶子

泡去皮

青皮

去白

甘草

炙各半兩

右爲末每服一錢水煎

養心湯治心氣不足虛熱上攻而患瘡瘍者

黃芪炒

白茯苓

半夏麩

當歸

川芎

辣桂

栝子仁

酸棗仁炒

五味子枳

人參各三錢

甘草炒四

右每服一二錢薑棗水煎爲末服亦可

午黃解毒散治胎毒頭面生癩或延及遍身痒痛不

安浸淫不愈及眉煉瘡

生甘草一兩

牛黃五錢 青梁之子必用之

金銀花 一兩

右各為末每服二三分乳汁調服或用甘草煎膏為丸如芡實大每服一丸白湯化下外傳清金散亦可

拔毒散治症同前及疥癩瘡癰

黃芩

黃連

白礬

三味俱生用

雄黃

各五錢

銅綠

二錢瘡石甚加之

松香

右各另為末乾摻患處或用油調搽疥瘡宜加枯

礬三錢

梔子清肝散

卸柴胡梔子散

治三焦及足少陽經風熱耳內

作痒生瘡出水或脇肋乳間作痛往來寒熱方見

仙方活命飲治一切瘡毒腫痛或作痒寒熱或紅絲

走徹惡心嘔吐等症方見熱毒瘡瘍

治疔瘡等症用金銀花柞爛絞汁杯許入熱酒半杯

徐徐服之用藤葉亦効無鮮者用枯者浸飲亦可

導赤散方見腎癰

六味丸即地黃丸加五味子四兩肉桂一兩各加減入味丸

竹葉石膏湯一方見作渴不止

清胃散方見腹癰

人參平肺散方見肺癰

當歸補血湯 方見發熱不止

五味異功散 方見敗毒之藥

托裡消毒散

托裡散 二方見熱毒瘡瘍

加味歸脾湯

梔子柴胡散 即梔子清肝散

小柴胡湯 三方見脇癰

人參消風散 方見赤白遊風

瀉白散 方見臂癰

大楓膏 方見疥瘡

加味逍遙散 方見發熱不止

補中益氣湯 方見肌肉不生

四味肥兒丸 方見貼骨癰

眉煉 府癩頭瘡

眉煉者謂小兒兩眉間生瘡如疥癬當求其因而藥之蓋眉屬膽經若原稟肝膽經熱或乳母肝膽經有熱者用柴胡梔子散或乳母食厚味醇酒者用加味清胃散或乳母有鬱怒者用加味逍遙散俱與乳母服子亦飲少許仍察前症主之

一小兒患前症用柴胡清肝散母子服之而愈後因

母不戒膏梁厚味復發延及遍體膿水淋漓先用清
胃散次用柴胡梔子散與母服子用清金散牛黃解
毒丸而愈

一小兒嗜膏梁厚味患之漸及肢體兩眉爲甚膿冰
淋漓寒熱往來內用清胃散加味小柴胡湯外傳立
効散而愈後眉間復發兩目連劄小便白濁將成肝
疳用四味肥兒丸九味蘆薈丸而愈

一小兒因乳母不戒七情厚味患此延及遍身久而
不愈母先用清胃散次用加味逍遙散子用牛黃散
解毒丸立効散而愈後見食厚味眉間作痒搔破成

瘡或痒或痛兩目連劄用四味肥兒丸佐以加味清
胃散而愈

一小兒眉間作痒破而成瘡延及遍身兩脇為甚用
四味肥兒丸立効散母服柴胡梔子散加味逍遙散
而愈

一小兒患此服化毒丹乳食不納手足俱冷此藥傷
胃氣用五味異功散與母服兒亦時服三五滴母又
服加味道遙散加龍膽草漏蘆兒症漸愈

一小兒患此先延兩脇後及遍身此肝火乘脾也診
乳母亦有肝火先用加味道遙散加炒黃連數劑却

去黃連又二十餘劑而痊

一小兒患之乳母惱怒其瘡益甚眉稜抽動不經意
延及遍身乳母甚怒兒面色赤驚悸咬牙兼之發搐
此心肝二經風熱所致也用加味小柴胡湯加味道
遙散而愈

青金散治小兒疥癬眉煉或延及遍身瘙痒或膿水
四淋漓經年不愈

松香二兩

真蛤粉五錢

青黛二錢五分

右為末用燭油調搽或乾摻之或加輕粉枯礬各
三錢以治前症及胎毒疥癩尤效

立効散

方見黃水瘡

加味逍遙散

方見發熱不止

生黃解毒丸

方見前

四味肥兒丸

方見貼骨癰

九味蘆薈丸

方見喉痺

加味清胃散

清胃散

二方見腹癰

小柴胡湯

方見脇癰

加味小柴胡湯

方見熱毒癰瘡

導赤散

方見腎癰

活命飲 方見熱毒瘡瘍

牛黃解毒散

拔毒散 二方見頭面瘡

林義婦 一六八 烈面獻

吳真婦 一六九

新命婦 一七〇 烈面獻

保嬰撮要卷十三

續集

薛氏醫按

吳郡薛 已著

江都吳中珩校

喉痺

一附五臟虛羸傳變喉間內潰或鼻中垂山息肉或鼻外患瘡

一小兒喉痺因膏粱積熱或稟賦有熱或乳母七情之火飲食之毒當分其邪蓄表裡與症之輕重經之

所主而治之若左腮色青赤者肝膽經風熱也用柴

胡梔子散右腮色赤者肺經有熱也用瀉白散額間

色赤者心與小腸經熱也用導赤散若兼青色風熱

相搏也用加味逍遙散鼻間色黃脾胃經有熱也用

瀉黃散若兼青色木乘土位也用加味逍遙散蕪赤
色心傳土位也用柴胡梔子散顏問色赤腎經有熱
也用地黃丸凡此積熱內蘊二便不通者當踈利之
風邪外客而發寒熱者當發散之外感風邪大便閉
結煩渴痰盛者當內踈外解若因乳母膏粱積熱者
母服東垣清胃散若因乳母恚怒肝火者母服加味
逍遙散稟賦陰虛者兒服地黃丸大槩當用輕和之
劑以治其本切不可用峻利之藥以傷真氣也

一小兒喉間腫痛驚悸飲水服驚風降火之藥益甚
仍欲攻風痰余曰驚悸飲水心經虛症也蓋胃爲五

臟之本先用五味異功散以補胃加桔梗甘草以消
毒諸症頓退後用牛蒡子湯加柴胡而愈
一小兒喉間腫痛左腮色青赤此心肝二經之熱也
用柴胡清肝散而愈後因驚服至寶丹吐痰發搐手
足指冷此肝木虛而肺金乘之用補中益氣湯以補
脾肺六味地黃丸以滋肝腎而痊
一小兒發熱飲冷大便黃色手足竝熱不能吮乳視
口內無患捫其喉間則哭此喉內作痛乃脾胃實熱
也用瀉黃清胃二散各一劑母子竝服而愈後因乳
母飲酒兒躁不安口內流涎仍用前二散而愈

一 小兒喉間腫痛口角流涎手足並熱用瀉黃清胃
二 散母子服之而愈後因母大怒兒憎寒發熱仍復
流涎用柴胡清肝散加漏蘆母子服之而愈

一 小兒喉間腫痛發熱咳嗽大便秘結此肺與大腸
有熱也先用牛蒡子湯加蒲黃一服大便隨通乃去
消黃再劑頓愈審其母有肝火發熱用柴胡清肝散
母子並服而痊

一 小兒嗜膏粱之味喉間腫痛痰涎壅盛服巴豆丸
前症益甚口鼻出血唇舌生瘡大便不實余用犀角
地黃湯解膏粱之熱用東垣安胃散解巴豆之毒又

用甘桔湯而愈

一小兒喉腫作渴大便乾實右腮赤色此肺與大腸經實熱也用柴胡飲了一服而愈後因飲食停滯服峻瀉之藥喉間仍腫腹中脹痛此脾氣復傷也用異功散加升麻當歸而痊

一小兒因母忿怒患前症兼咬牙呵欠余謂肝經虛熱之症子用甘桔湯加柴胡山梔牛蒡子母服加味逍遙散而愈

一小兒肌體瘦弱嗜土炭煤灰後鼻間不利恪以清熱之劑肌體愈瘦食少熱甚善驚善怒小便良久變

白鼻中出息肉二寸許耳下頸間結小核隱於筋肉之間余謂肝脾虛羸之變症不信乃內清肺火外用腐蝕喉間亦腐余先用五味異功散加升麻柴胡蕪荑爲主更用四味肥兒丸爲佐脾氣漸徙夕用九味蘆薈丸爲主以五味異功散爲佐而愈

一女子六歲喉間腫痛鼻中息肉寒熱往來小便頻數良久變白此肝疝之症先用加味逍遙散加炒黑焦龍膽草熱疰漸退乃去龍膽草佐以四味肥兒丸而愈

一女子七歲鼻生息肉搽攻毒之藥成瘡腫痛外以

黃連甘草黃柏未付之以解熱毒毋更以加味逍遙散清肝火佐以四味肥兒丸而愈

一女子鼻中及下部常出息肉屢用毒藥餌之各挺出一條三寸許先與龍膽草湯爲主以加味逍遙散爲佐而愈

一小兒額間赤足心熱喉中常痛服清胃敗毒之藥余謂稟腎水不足而心火熾甚也當用地黃丸壯水之主以制陽光不悟口舌赤烈小便如淋而歿

一女子十四歲患前症雜用清熱敗毒等藥前症益更患陰挺詳見下疳瘡

牛蒡子湯 治風熱上壅咽喉腫痛或生乳蛾

牛蒡子 炒杵 玄參 升麻 藥師

桔梗 炒 犀角 鎊 黃芩 而炙

木通 各等分 甘草 各等分

右每服一錢水煎服

拔萃桔梗湯 治熱腫喉痺

桔梗 炒 甘草 炒 連翹

梔子 炒 薄荷 黃芩 各等分

右為末每服一錢水煎服

柴胡飲 解肌熱積熱或汗後餘熱脉洪實數六

便堅實者

黃芩 七分

甘草 四分

大黃 八分

芍藥 各七分

柴胡

人參 各五分

當歸 一錢

右每服一錢薑水煎

東垣人參安胃散治脾胃虛熱口舌生瘡或傷熱乳

食嘔吐瀉痢

人參 一錢

黃芪 炒二錢

生甘草

炙甘草 各五分

白芍藥 酒炒七分

白茯苓 四分

陳皮 三分

黃連 炒二分

右爲末每服二錢水煎

三因王鑰匙治風執喉閉及纏喉風

焰硝一兩半

鵬硝半兩

斤腦一字

介白殭錢

東右研勻用半錢吹入喉中立愈

九味蘆薈丸治肝經積熱咽喉口舌生瘡或牙齦腫

爛兩目生翳耳中出水或肝積瘰癧下疳陰腫或

莖出白津拘中結核或小水良久變白大便不調

肢體消瘦等症

胡黃連

宜黃連

蘆薈

木香

白蕪荑炒

青皮

白雷丸

鶴風草各一兩

麝香三錢

右各另為末米糊丸麻子大每服半錢空心米湯

下仍量兒大小用

甘桔湯治風熱上攻咽喉疼痛及喉痺妨悶

苦梗一兩

甘草炒二兩

右每服二錢水煎

濟生犀角地黄湯治膏梁積毒脾胃有熱喉咽腫痛

或口舌生瘡

犀角

牡丹皮各一兩

生地黄八錢

赤芍藥 七錢

右每服一二錢水煎

五味異功散

方見敗毒之集

六味地黃丸

方見作渴不止

柴胡清肝散

方見脇癰即柴胡梔子散

補中益氣湯

方見服肉不生

瀉黃散

方見頭面瘡

肥癰 二附耳疔

腮厲足陽明胃經其生癰者多因兒食甘厚味脾

胃積熱所致亦有乳母鬱怒兒受其患者若因執積

於內二便不通者用涼膈散風邪相搏二便如常者
用漏蘆湯胃經風熱或兼咽喉腫痛用升麻防風湯
若稟賦陰虛火動頰間或兩耳內生瘡或出膿不止
者宜用地黃丸若因乳母肝火乘脾用加味道遙散
脾經鬱熱用加味歸脾湯膏粱積熱用東垣清胃散
脾胃風熱用清咽利膈湯仍參口瘡治之正氣
一 小兒腮腫肉色不變大便不實屬胃經虛熱用五
味異功散加升麻柴胡而愈又乳母飲酒兼怒兩腮
赤腫憎寒發熱用加味清胃散二劑加味道遙散一
劑治其母兒亦飲數滴而愈

一小兒嗜炙燻腮腫發熱作渴飲冷用加味清胃散而消後仍不戒厚味腮腫赤痛燉連舌本先用瀉黃散而退次用加味清胃散而消

一小兒腮患瘡作渴飲湯飲食少思服敗毒散益甚余謂此胃經虛熱先用七味白朮散次用五味異功散而渴止後因母怒兩腮赤腫作渴發熱用加味道遙散治其母兒患亦愈

一小兒十六歲腮患此三年不愈色黯下階此胃經症也宜滋化源以生腎水外散寒邪以接陽氣不信妄用雜方元氣益虛七惡蜂起始信余言後用前藥

果驗

一小兒頰腫敷寒涼之藥色白腫硬久而不愈此胃氣虛而寒邪凝滯也用葱熨法以散寒邪異功散以助元氣遂愈若用攻毒之劑則誤矣

一小兒酷嗜甘味藥餌惟甘者乃服後患腮腫余知其胃症也經曰酸能勝甘當用酸味之藥遂以烏梅肉作丸甘草末爲衣服至二兩許始惡甘味腮腫漸消

一小兒腮腫痛外敷鐵籬散內服寒涼藥日久堅硬其色不變夫藥之寒涼者外敷則氣色凝滯內服則

脾胃有傷故氣血有虧而肉不潰色不赤也用四君子加柴胡升麻白芷當歸外散寒邪內補脾氣更用葱熨法不數日膿潰而愈

一小兒顛額常焮腫服清熱敗毒之藥更口滿足熱面色微黑余謂腎疳症用六味地黃丸與子服母服加味逍遙散而愈後因別服伐肝之藥前症復作寒熱面青小便頻數此肝火血燥耳用柴胡梔子散以清肝六味地黃丸以滋腎遂痊

一小兒顛額腫痛後耳內出膿久而不愈視其母兩臉青黃屬鬱怒所致朝用加味歸脾湯夕用加味逍

透散母子皆愈

一小兒顛間發熱手足竝熱用清胃瀉黃二散而愈
後頰間腫痛焮連耳內余謂此腎經所屬之地不信
雜用降火之藥耳出膿水或痒或痛稍加用心卽發
熱倦怠兩腿乏力用補中益氣湯及六味地黃丸稍
愈畢姻後朝寒暮熱形氣倦怠足心發熱氣喘唾痰
仍用前二藥佐以六君子湯而愈後不守禁惡寒發
熱頭運唾痰余謂腎虛不能攝水而爲痰清氣不能
上升而頭運陽氣不能護守肌膚而寒熱遂用補中
益氣湯各加蔓荊子附子各一錢不應乃用人參一

兩附子二錢二劑而應乃用十全大補湯百餘劑而痊

一 小兒先頰間腫痛用敗毒之藥耳中流膿項間結核兩目或連劄或赤痛小便或作痒或赤澁皆肝膽二經風熱用四味肥兒丸悉愈

一 小兒顛頰腫痛服敗毒藥後耳出穢水余謂肝腎之症先用九味蘆薈丸而痊畢姻後面黃發熱用黃栢知母等藥更胸膈痞滿食少痰壅乃利氣化痰加噫氣下氣用六君子補中益氣二湯加乾薑本香尋愈

一小兒腮腫搽石灰未久而不散余用四君子加升麻白芷及葱熨之法漸消又用仙方活命一劑而瘡夫石灰乃辛熱燥血之藥小兒氣血虛者搽之反致難治慎之

一小兒腮間腫痛用鐵絛散敗毒散之類出膿久不愈面色驚足心熱口舌乾余謂此稟腎水不足之虛症當補肺金滋腎水爲主不信仍服前劑脾土益虛絕生氣而歿

升麻防風湯治胃經實熱咽痛口燥腮癰等症

升麻

防風

黃柏炒

茯苓

芍藥炒

陳皮各五分

連翹

當歸各七分

右每服二錢水煎仍量大小用之

清咽利膈湯治心脾蘊熱或咽喉腮舌腫痛

玄參

升麻

桔梗炒

甘草炒

茯苓

防風

黃芩炒

黃連炒

牛蒡子炒杵

芍藥炒各等分

右每服一二錢水煎

東垣清胃散方見腹癰

異功散 方見用敗毒之藥

地黃丸 方見作渴不止

神效葱熨法 方見流注

仙方活命飲 方見瘡瘍熱毒

臂癰三

臂癰之症當分經絡所屬受症之因而治之土廉屬手陽明經下廉屬手太陽經外廉屬手少陽經內廉屬手厥陰經內之土廉屬手太陰經內之下廉屬手少陰經或經絡熱鬱風邪外干氣血有乖即生癰毒若因心經有熱者導赤散加黃連心胞絡有熱者柴

胡梔子散肺經有熱者瀉白散大腸經有熱者大連翹飲焮腫作痛者氣血凝結也用仙方活命飲腫痛不消者欲作膿也用托裡消毒散膿熟不出者氣血虛也用托裡消毒散膿出反痛者氣血虛甚也肌肉不生者脾胃氣虛也用五味異功散不可外傳生肌散恐反助其邪而肌肉難長也

一 小兒臂上生癰腫連肘間此屬手少陰三焦二經先用仙方活命飲殺其大勢次用柴胡清肝散以清心肝之熱諸症頓退又用托裡消毒散出膿而愈

一 小兒臂外側患毒此屬肺經部分先用神効解毒

散加桔梗二劑腫痛頓減次用托裡消毒散而膿潰
將愈因母食炙燂之味患處復腫兼發熱咳嗽子服
瀉白散母服清胃散而痊

一小兒臂腕漫腫敷寒涼藥又常以泠水潤之腫熱
亂上至肩兩月餘而潰四月餘不斂膿出清稀面色
痿黃余曰此氣血虛不能充榮於肌肉也先用異功
散加升麻柴胡脾胃漸健又用托裡散而愈

一小兒臂患癰久不愈手足時冷用異功散加木香
佐以八珍湯手足溫和乃用托裡散將斂因飲食停
滯傷脾患處腫硬用六君木香及托裡散而愈

一小兒臀癰久不愈潰出碎骨飲食少思不時寒熱
膿水清稀此氣血俱虛也用八珍散加肉桂桔梗漸
消又用托裡散加肉桂及豆豉而愈

一小兒臂膊赤腫發熱作渴飲冷症屬胃火先用加
味清胃散而愈後因母食厚味復腫痛先用瀉黃散
二服再用清胃散母子服之竝愈

一女子臂瘡腫焮作痛用仙方活命飲痛止成膿用
加味八珍湯而膿潰漸斂用加味逍遙散與母服而
痊

一小兒因母食膏粱臂瘡潰而作痛脈洪數有力用

清胃散與母服子服瀉黃散漸愈又用加味道遙散
母子俱服而愈

一小兒臂瘡服敗毒散嘔吐腹脹作痛手足竝冷用
六君薑桂諸症漸退飲食漸進次用五味異功散而
愈

一小兒臂癰腫硬色白寒熱倦怠此血氣虛弱而不
能潰散先用五味異功散加乾薑其腫漸退飲食漸
進又用托裡散如聖餅膿潰而愈

一小兒臂患癰腫硬不消食少白汗此脾肺氣虛而
不能潰先用六君子湯而汗止乃佐以葱熨法而膿

成又用八珍湯而膿潰用托裡散而瘡斂

一小兒臂患瘡敷寒涼之藥腫硬不消用補中益氣湯加木香薄桂及如聖餅助其陽氣而消

一小兒臂患瘡腫硬作嘔面色痿黃飲食少思此脾氣虛也用六君子湯嘔止食進又用五味異功散如聖餅而消

一小兒臂瘡作痛不止肌肉不生先用托裡消毒散而痛止用五味異功散托裡散而肉生

一小兒臂患瘡久而不斂肌肉消瘦日晡體熱此脾氣虛而不能生肌肉也朝用補中益氣湯夕用五味

異功散諸症漸愈又用托裡散如聖餅而愈

一小兒臂瘡腫痛焮赤右頤赤色傳服皆敗毒之藥

余謂此肺胃二經之症也當用瀉黃瀉白二散主之

不信恪用前藥泛擾諸經虛症蜂起而歿

神効解毒散治一切瘡瘍初起腫者即消已潰仍腫

者即散已潰毒不解者即愈

金銀花 一兩
甘草節 五錢

黃芪

皂角刺 炒
當歸 各三錢

乳香

沒藥 各二錢

右為散每服二錢酒煎溫酒調服亦可嬰兒病乳

母亦服如瘡已潰腫痛已止者去乳沒金銀花倍

加黃芪甘草

白芷升麻湯治手明陽經分臂上生瘡

白芷

升麻

桔梗

各錢

黃芪炒

黃芩

酒炒各二錢

生黃芩

五分

紅花

甘草

炙各五分

右水酒半鍾煎食後溫服

瀉白散治肺經有熱生瘡又化痰止漱治氣進食

地骨皮

桑白皮

炒各一兩

甘草

炙五錢

右為末每服一二錢入粳米百粒水煎

瀉心散治心經實熱生瘡作渴發熱飲冷手足竝熱

者詳見心臟瀉心湯

導赤散治小腸實熱生瘡作渴發熱小便秘赤

生地黃

木通

甘草

等分

右為末每服一錢入淡竹葉水煎

大連翹飲即大連翹湯治肺熱生瘡

連翹

蘆麥

荊芥

木通

赤芍藥

當歸

防風

柴胡

滑石

蟬殼

甘草炒

山梔子

黃芩各等分

右為末每服二錢加紫草水煎服之大便不通量

加大黃

補中益氣湯方見脾胃不任

加味逍遙散

六味地黃丸二方見發熱不止

十全大補湯方見便癢

四味肥兒丸方見貼骨癢

九味蘆薈丸方見喉痺

柴胡梔子散方見腹痛

東垣清胃散 方見腹癰

五味異功散 方見敗毒之藥

托裡消毒散

托裡散 二方見熱毒瘡瘍

腋癰三謂癰生於脇之前膚
腋癰之傍白者五下皆是也

腋癰屬足少陽手少陰手厥陰三經小兒患之多稟
賦肝火所致初起先用活命飲次用柴胡梔子散五
七日間作膿焮腫作痛者亦用活命飲殺其大勢雖
潰亦輕而易斂若膿已成用托裡消毒散已出用托
裡散如有變症當隨症治之

一 小兒患前症腫痛用仙方活命飲而痛止用托裡
消毒散而潰因母飲酒復加腫痛母服清胃散兒服
活命飲托裡散而愈

一 小兒患之因乳母志怒所致子用仙方活命飲母
用柴胡梔子散加味道遙散並愈後復患令母仍服
前藥子服托裡消毒散而膿潰用托裡散而斂

一 小兒腋下常患一枚此稟肝膽怒火也用牛黃解
毒丸毋服柴胡梔子散味道遙散而愈後每發卽服前
藥而愈或用荆防敗毒散外敷鐵箍散以杜後患幾
至不救

一小兒十四歲患之內外皆用寒涼敗毒之藥腫硬作痛上連肩胛膿成不潰或用針之膿仍不出余曰此氣血虛甚當峻補之不信半載後肩骨潰解惟皮相連瀝盡氣血而歿

一小兒患之恪服敗毒之藥久不潰色不變腫硬如石余川葱熨之法及托裡散二十餘劑患處微赤作痛又數劑腫起針出穢膿氣息漉漉用人參一兩乾薑一錢棗子十枚四劑仍用前散尋愈

一小兒患之膿內潰久不出色不變亦不痛余謂氣血虛甚當先大補而用火針不信或用冷針膿果不

出更氣喘自汗余用獨參湯二劑喘汗少止膿仍未
出又二劑膿出甚多喘汗大作又用前湯四劑諸症
悉退乃用八珍湯漸愈後因傷風咳嗽誤用表散之
藥煩躁自汗面目赤色脉洪大無倫按之如無此血
脫發躁也先用當歸補血湯諸症頓愈再用八珍湯
而安又飲食過多發厥手足並冷用五味異功散加
升麻柴胡生薑一劑而愈

一小兒患之色黯不斂三年不愈用十全大補湯及
豆豉餅三月餘將愈後勞倦惹氣腋下腫痛以加味
逍遙散十全大補湯相間服之月餘而愈

豆豉餅治瘡瘍腫痛硬而不潰及潰而不斂拜一切
頑瘡惡瘡用江西豆豉爲末唾津和成餅大如銅
錢厚如三四錢置患處以艾壯於餅上灸之灸乾
則再易如瘡大作大餅覆患處以艾鋪餅上灸之
未成者卽消已成者祛毒間有不効者乃氣血虛
敗之症也癰疔瘡類灸法用之 方見

四物湯治瘡瘍血虛發熱日晡益甚或煩躁不寐

當歸

熟地黄 各二錢

芍藥 炒

川芎 各一錢

右水煎服

參朮柴苓湯治瘡瘍脾氣虛弱肝氣內動肢體抽動者

人參

白朮

茯苓

陳皮

各一錢

山梔

炒

釣藤

釣子各七分

甘草

五分

柴胡

升麻

各三分

每服一二錢薑棗水煎服兒用大劑與母服子少服之

黃連安神丸治心經血熱發熱驚悸不安

黃連

五分

生甘草

二錢五分

生地黃

五錢

當歸

硃砂

二錢

右爲末飯糊丸小豆大每服十五丸滾湯下如二

三服不應當服歸脾湯嬰兒乳母並服

柴胡梔子散

方見胎毒

一名柴胡清肝散

托裡消毒散

托裡散

二方見熱毒瘡瘍

清胃散

方見腹癰

加味逍遙散

方見發熱不止

牛黃解毒丸

方見胎毒瘡疥

十全大補湯

方見便癰

脇癰

五

脇肋者足厥陰少陽之經相火之司也乃木之主肝
膽之氣不平則風火內搏榮逆血鬱熱聚爲膿而癰
腫之所由生也亦有稟賦母氣肝膽之熱恚怒之火
而致然初患焮腫作痛者宜用柴胡梔子散未消者
用仙方活命飲其熱既殺而腫不消者則必成膿也
乃用托裡消毒散其膿既成以代針膏決之仍用托
裏散自愈若膿出而痛止腫消則不必用藥也

一小兒四歲脇間漫腫一塊甚痛色如故服流氣敗
毒等藥加寒熱作嘔食少作瀉此稟肝脾氣滯之症
元氣復傷而甚耳乃擇乳母氣血壯盛者與加味歸

脾湯加味道遙散服之兒飲其乳半載而消

一 小兒左脇生瘡寒熱作嘔右關脉弦數此肝症傳
於脾也先用柴胡清肝散次用五味異功散又用托
裏散瘡斂而愈其時同患是症專用敗毒者俱致不
起

一 小兒左脇下生瘡漫腫色赤此肝膽經形傷氣也

先用托裏散消毒散加味小柴胡湯間服腫痛漸減
又用托裏消毒散加味小柴胡湯瘡潰而愈

一 小兒四歲患脇癰色赤腫痛肝脉弦而遲此肝膽
經血虛有熱先用加味道遙散數劑大勢已消中間

成膿又用托裏消毒散加柴胡山梔膿潰而斂

一小兒肩患癰痛甚腫至背乃膀胱經部分血瘀滯也先用仙方活命飲毒解痛止又用加味小柴胡湯加連翹山梔金銀花其勢漸退乃用加味逍遙散加金銀花黃芪漫腫悉消但中間不退此欲作膿也用托裏消毒散膿成而潰又用托裏散地黃丸補血氣滋腎水而痊

一小兒患之久不愈左關脉弦數右尺脉按之而弱此稟腎虛而然也用地黃丸爲主佐以八珍湯托裏散而愈

一小兒未暮脇間赤腫此稟肝火所致用加味道遙散數劑與母服子日服數匙漫腫悉退佐以托裏消毒散加山梔柴胡瘡潰而愈後因母恚怒勞役子脇復腫赤用加味道遙散加味歸脾湯母子服之竝愈一小兒脇癰服伐脾之藥膿清不斂呵欠咬牙飲食少思仍欲伐脾余曰此脾虛之症也胃爲五臟之主當補脾胃則肝不侮而肌肉自生矣不信乃伐肝木遂致不救

加味歸脾湯治小兒因乳母憂思鬱怒胸脇作痛或肝脾經分患瘡瘍之症或寒熱驚悸無寐或便血

盜汗瘡口不斂等症

人參

黃芪炒

茯苓去木各一兩

甘草炒

白朮炒一兩

木香五分

遠志去心

酸棗仁

龍眼肉

當歸

牡丹皮

山梔炒各一錢

右水煎乳母服兒亦服之

小柴胡湯治肝膽經分一切瘡瘍發熱潮熱或飲食

少思加山梔牡丹皮各加味小柴胡湯

柴胡一錢五分

人參五分

黃芩七分

半夏五分

甘草炒三

右作二三服薑棗水煎

柴胡清肝散治肝經風熱或乳母怒火患一切瘡瘍

柴胡

黃芩

炒

人參

川芎

各一錢

山梔

炒各一錢五分

連翹

甘草

各五分

桔梗

炒八分

右水煎母子服之

梔子清肝散

一名梔子柴胡散

治三焦及足少陽經風熱生

瘡或發熱耳内生瘡作痒或出水疼痛

柴胡

梔子

炒

牡丹皮

揆苓

川芎

芍藥

炒

當歸

牛蒡子炒各七分

甘草三分

右水煎母子並服

龍膽瀉肝湯治肝膽經有熱小腹脇間患瘡瘍或玉莖便毒懸癰囊癰腫痛或潰爛作痛小便澀滯或
畢丸懸掛方見下疳陰痿

加味逍遙散治小兒肝脾血虛內熱脇腹作痛頭目

昏黑怔忡頰赤口燥咽乾或發熱盜汗食少不寐

或口舌生瘡胸乳膨脹小便不利或女子患前症

經候不調發熱咳嗽寒熱往來等症方見發熱不止

六味地黃丸治肝經血虛發熱或風客滯氣瘰癧結

核或四肢發搐眼目抽動痰涎上湧或傷損出郵

發熱抽搐等症

方見作渴不止

仙方活命飲

托裏消毒散

托裏散

三方見熱毒瘡瘍

八珍湯

方見發熱不止

腹癰

六

腹癰者患於臍下或傍二寸許屬脾經近脇屬膽經

蓋因脾經陰虛氣滯血凝或因脾虛飲食積熱所患

若癰腫作痛者瀉黃散堅硬腫痛者清胃散腫痛便

秘者清涼飲如此而仍痛者瘀血凝滯也活命飲既
用此藥而不消則內欲作膿也用托裏消毒散若膿
出而痛不減者毒未解也亦用前藥若膿出而反加
痛及膿水清稀者氣血虛也用參芪托裏散若食少
體倦者脾氣虛也用五味異功散加當歸柴胡升麻
補熱內熱者脾血虛也用四君當歸丹皮如有他症
當隨症治之

一小兒患此漫腫微痛肉色不變面色痿黃飲食少
思此脾氣虛而食積內熱也用五味異功散加升麻
當歸及如聖餅其腫漸消又用托裏散而愈

一小兒患此腫痛寒熱活命飲未二服腫痛填止用
托裏散如聖併而腫漸消又用袖効散及托裏消毒
散數劑而痊

一小兒患之內潰作渴飲食少思屬元氣虛弱先用
托裏消毒散四劑膿潰而發熱惡寒肢體倦怠此邪
氣去而真氣虛也用八珍升麻補之利愈又用托裏
散異功散間服而痊

一小兒腹瘡大便秘結發熱飲冷此熱蓄於裏也用
內疎黃連湯一劑大便通而痛止又用清熱消毒散
內執退而瘡愈

一小兒腹患瘡敷寒涼之藥其腫益甚腹中陰痛手足竝冷此陽氣虛寒之症也余用回陽湯抑陰散而腫漸消毒漸散又用托裏散而斂

一小兒患此膿成不潰面色黃白惡心少食發熱惡寒大便不實此脾胃虛弱也先用六君升麻柴胡諸症漸退飲食漸進又朝用益氣湯夕用異功散而潰又用八珍湯而愈

一小兒腹中作痛肉色不變三月矣診其脈滑數而有力此腹癰內潰也用托裏散大便出膿甚多乃用薏苡仁湯及托裏散而愈

一 小兒小腹赤腫服流氣散毒等藥肉色如故食少
體倦余謂此肝脾氣血虛而藥傷之也用六君肉桂
及葱熨之法飲食漸進其腫漸消又佐以八珍湯而
愈

一 小兒患此而潰腫不消恪服敗毒之藥飲食少思
膿清發熱余謂脾胃之氣復傷不信仍行氣清熱腫
痛益甚服消導化痰之藥腹脹作瀉余先用異功散
加升麻柴胡木香佐以二神丸二十餘劑諸症漸愈
乃用異功散加當歸黃芪元氣漸復却用八珍湯內
芍藥炒黃蘗劑改用托裏散而愈次年因勞心發熱

作渴用當歸補血湯而安。畢姻後寒熱往來，患處作痒，用十全大補湯六味地黃丸而愈。

四君子湯

如陳皮半夏
即六君子湯

治脾胃虛弱或因寒涼傷胃

致腫不能消或瀆而不能斂者，但以此藥溫補脾

胃諸症自退。如誤用攻伐則七惡隨至矣。若脾胃

氣虛瘡口出血或吐血便血，則加當歸脾胃充健

則血自歸經。若脾虛血弱不生肌，或暗熱內熱者

更加熟地黃，不可投四物沉陰之劑，能傷脾胃也。

若胃氣虛弱剋伐傷脾，飲食少思，或食而難化，若

作嘔作泄者，尤宜用之。如兼痰嗽氣逆肢體倦怠

之
面目浮腫者亦因脾虛不能生肺而然也最宜用

人參

白朮炒

茯苓

甘草各等分

右每服二錢薑棗水煎

清胃散

治脾胃有熱生瘡或胃火牙痛或迎頭面

升麻五分

生地黃

牡丹皮

黃連炒

當歸各三分

右水煎服加柴胡山梔即加味清胃散

六君子湯治瘡瘍脾胃虛弱腫痛不消或不潰斂宜

用此藥以壯營氣諸症自愈卽四君加半夏陳皮
清涼飲治瘡瘍脾胃實熱煩躁飲食焮痛脉實大便秘結小便赤澁

赤芍藥

當歸

甘草

大黃

各等分

右每服一錢水煎

當歸補血湯治瘡瘍肌熱面赤煩渴脉洪大而虛重

按全無此血虛脉也誤服白虎湯必死

方見發熱不止

益氣養榮湯治氣血損傷四肢頸項等處患腫不問

堅軟赤白痛否口疳發熱或潰而不斂者

方見鶴

十全大補湯治諸瘡血氣虛不能潰腐收斂或膿出
發熱惡寒汗出煩眩口眼歪斜或肌瘦少食發熱
口乾等症須多服為善方見便癰

參芪托裏散

補中益氣湯方見肌肉不生

托裏消毒散

托裏散二方見熱毒瘡癰

五味異功散方見用敗毒之藥

如聖餅方見流注

神功散方見胎毒發丹

八珍湯

方見發熱不止

臀癰七

臀癰屬膀胱經濕熱或稟賦陰虛若腫硬作痛用內
托羌活湯微腫微痛用托裏消毒散若初起大痛或
五日之間似消不消似潰不潰者先用仙方活命飲
後用托裏消毒散若已潰食少體倦瘡不生肌脾胃
虛弱者用五味異功散加柴胡升麻稟賦陰虛小便
數而不斂者加減八味丸氣虛久不生肌收口用豆
豉餅及補中益氣湯培養元氣若用解熱攻毒及數
圍寒涼之劑則氣血受傷必成敗症矣

一小兒患此腫硬不赤旬餘矣面赤痿黃飲食少進此脾氣虛弱也先用異功散飲食漸進漫腫漸消乃川托裏散少加肉桂而潰又用八珍湯而斂

一小兒患此久不收斂四圍微黧瘡口黑舌膿水清稀寒熱晡熱脉浮而數兩寸按之如無此陽氣虛而陰血弱也朝用補中益氣湯夕用異功散半載而愈

一小兒臀瘡潰而不斂面色時赤此稟肝腎陰虛也朝用八珍湯加五味子夕用加減八味丸諸症漸退又用托裏散間服而愈

一小兒臀瘡久不收斂肢體倦怠晡熱作渴此稟足

三陰虛也用五味異功散加減八味丸漸愈又用托裏散而斂

一小兒腎癰久不生肌面色痿黃仍欲敗毒以收斂余曰脾主肌肉脾健則肉生遂朝用補中益氣湯以用五味異功散及葱熨法脾氣壯肌肉生而愈

一小兒腫硬不消肉色不變此脾胃之氣虛怯不能運及患處耳朝用補中益氣湯夕用五味異功散以接虛怯之氣月餘而消其時同患是症外敷寒涼之藥內服犀角丸者無不受害

一小兒十五歲久不愈發熱體瘦面白噁氣恪服消

食清熱等藥余謂心火虛而脾氣弱也先用八味丸
為主佐以六君子湯補中益氣湯尋愈畢姻後腎間
患疽漫腫堅硬肉色不變手足時冷脉浮大按之微
細兩尺為甚先用八味丸料四劑又用十全大補湯
患處色玉而消

內托羌活湯治尻腎生癰堅硬腫痛

羌活

黃栢酒製各一錢

防風

藁本

當歸尾各五分

肉桂

連翹

甘草炙

蒼朮

陳皮各三分

黃芪八分

右作二劑水一鍾入酒一杯煎空心服

仙方活命飲

托裏消毒散

托裏散 三方熱毒瘡瘍

神効解毒散 方見臂癰

加味八味丸 方見作渴

八珍湯 方見發熱不止

葱熨法 方見流注

腿癰 入

腿癰之症所主之經不同而所治之法亦異發於內

側者屬肝脾二經發於外側者屬膽胃二經漫腫堅
硬者元氣虛弱也用內補黃芪湯腫勢高熾者元氣
未虛也用內托柴胡黃芪湯外竝用隔蒜熨法若瘀
血凝結而不消或不作膿者用活命飲血氣虛弱而
不能潰及不生肌肉者用托裏散此其梗槩云爾

一小兒內臙腫痛惡寒發熱此傷肝膽經分乃用神
効解毒散加柴胡白芷二劑漫腫頓消惟中央一塊
尚腫又二劑而成膿以托裏消毒散潰膿而愈

一小兒腿內側前臙患毒潰後腫硬色黯膿清不斂
面色青黃此脾虛肝旺兼寒邪襲於患處也當壯元

氣爲主先用異功散加柴胡升麻及葱熨法脾氣漸復患處漸愈佐以八珍湯豆豉餅而愈

一小兒腿內焮赤大腫發熱此血熱內鬱而欲爲膿耳當先殺其大勢用隔蒜灸法灼艾試蒜熱移患處二十餘炷痛始減再三十餘炷腫漸消又用仙方活命飲瘡頭出水而愈

一小兒腿內側患此膿內潰惡心倦怠面色痿黃右關脉弦大按之微細此脾胃虛弱肝木所乘也先用六君升麻柴胡四劑元氣漸復乃佐以托裡散而愈一小兒腿外側痛腫肉色如故用托裏消毒散二劑

而腫始赤又四劑而腫赤亦退又六劑潰而膿出清
稀食少體倦用異功散加芎歸仍用托裏散補其元
氣而愈

一小兒漫腫堅硬肉色不變此陽氣虛而不能成膿
也用托裏散如聖餅腫起色赤用托裏消毒散而膿
成針之用八珍湯加肉桂漸愈因傷食吐瀉患處天
白飲食少思先用六君乾薑次用八珍湯及葱熨法
而愈

一小兒患此久不愈膿水清稀面色痿黃腹大青筋
此脾氣虛而肝所侮也朝用補中益氣湯夕用五味

異功散元氣稍復乃佐以四味肥兒丸及葱熨之法
兩月餘而愈

一小兒腿外腫一塊服消毒之藥其腫益甚肢體
羸瘦飲食少思更加作痛余曰先腫而後痛者形傷
氣也先痛而後腫者氣傷形也當補接陽氣不信仍
投踈泄之藥後果破機要云榮衛之氣充滿抑遏不
能行故閉塞氣血腐而爲癰者當泄之以奪盛熱之
氣若人飲食踈精神衰氣血弱肌肉消薄故榮衛之
氣短促而滯滯故寒搏腠理閉鬱而爲癰者當補之
以接虛怯之氣信矣

四味肥兒丸治肝脾不和患瘡瘍久不愈或兼疔瘡
腹脹作瀉或食積脾疳發熱瘦怯遍身生瘡

黃連

炒

蕪荑

神麩

麥牙

炒各
等分

右爲末水糊丸桐子大每服一二十丸空心白滾
湯送下

附子餅治潰瘍氣虛不能收斂或風邪所襲氣血不
能運於瘡口以致不能收斂者用炮附子去皮臍
研末以唾津和爲餅置瘡口上將艾壯於餅上灸
之每日灸數壯但令微熱勿至熱痛如餅灸乾用

唾津再和灸之以瘡口活潤爲度
六君子湯治瘡瘍因脾氣虛弱不能生肌以致瘡口
不斂若脾氣既克而瘡口不生肌肉者此寒邪所
襲也更用豆豉餅或附子餅熨之

仙方活命飲

托裡消毒散 二方見熱毒瘡瘍

葱熨法

如聖餅 二方見流注

內托羗活湯 方見醫癰

五味異功散 方見用敗毒之藥

附子餅 方見腹癰

十全大補湯 方見便癰

補中益氣湯 方見肌肉不生

八珍湯 卽四君四物

豆豉餅 方見腋癰

鶴膝風

鶴膝風者其隄漸細其膝愈麤狀如鶴膝是以名之
此因稟腎經不足外邪所乘而患之初則膝內作痛
外色不變伸屈艱難若一二月間焮腫色赤而作膿
者可治腫硬色白而不作膿者難治初起者用大防

風湯爲主佐以益氣養榮湯膿成者用補中益氣湯爲主佐以大防風湯切勿用十宣流氣等藥若不潰不斂或發熱等症者須調補脾胃爲善否則必變改症矣

一小兒九歲患此作痛用葱熨法及大防風湯腫起色赤用仙方活命飲補中益氣湯間服腫漸消又以獨活寄生湯與補中益氣湯間服二三日用葱熨一次至兩月餘而消

一小兒患此大潰不斂體倦食少口乾發熱日晡尤甚此脾氣虛甚也用補中益氣湯五劑以補元氣乃

用大防風湯一劑以治其瘡如是月餘諸症悉退遂用十全大補湯佐以大防風湯而斂

一小兒患此潰而不斂不時寒熱小便赤澀此血氣虛也用十全大補湯加麥門冬五味諸症頓退乃去桂令常服佐以和血定痛丸而愈

一女子左腿作痛服流氣飲之類左膝腫硬頭暈吐痰余謂此鶴膝風也其脉弦數而無力乃稟賦肝脾腎三經之症此形氣病氣俱虛者當先調補脾胃為主不信仍攻邪氣諸症蜂起余先用五味異功散加升麻乾薑肉桂脾氣稍健又用異功散八珍湯而潰

却間服大防風湯地黃丸而痊

一小兒兩膝漸腫傳服皆消毒之藥足頸赤腫此稟
父腎氣不足用地黃丸八環湯而消若用流氣敗毒
等藥必致不起

大防風湯治鶴膝風腫痛不消或潰而不斂

附子炮

牛膝酒炒各一錢

白朮

羌活

人參

防風各二錢

杜仲去皮薑製

川芎

肉桂去皮

黃芪炒

熟地黃自製

芍藥炒各錢五分

甘草一錢

右每服三五錢水煎仍量兒大小用之
益氣養榮湯治氣血虛弱四肢頸項等處患腫不問
腫潰日久不斂俱宜服之

人參

茯苓

陳皮

貝母

香附

當歸

酒洗

川芎

黃芪

炒

熟地黃

自製

芍藥

炒各一錢

甘草

炙

桔梗

各五分

白朮

炒

柴胡

六分

右每服二三錢薑水煎

獨活寄生湯

獨活

桑寄生

杜仲

細辛

牛膝酒炒
去土

秦朮

茯苓

白芍藥炒

桂心

川芎

防風

甘草

人參

熟地黃

當歸各等分

右每服二三錢水煎空心乳母同服

八珍湯方見發熱不止

十全大補湯方見便瘡

補中益氣湯方見肌肉不生

和血定痛丸葱熨法二方見流注

卷十三畢